

SOCUA TANEE JUAN NAAJIONEE

Juan maninia pohuatasaaquiaari Gayojiniji

¹ ¿Quiaate quiyajaa cua panishano Gayonaa? Janiyari saaquiano Juanni, Pueyaso muerasu jiitiana. Seetanujuaana quia paniyanijia, Pueyaso rupaa quiniuucua coojiajinia. ² Quiocuara secojoquiaanijia, puetunu quia miishanojuanaa cuaara quiiria maninia. Janiyari quiocuara secojoquiaajaaniuhuj, maninia quia cuaqueya quiniuria, maja cusosu, taa quiioojia quiya maniniacuaani, Pueyaso tojijia quia quishacari maninia.

³ Parta Pueyaso muerasujinijinio pueyari cucua tiuquiquianu quia quijia tiacajiniji. Janiyari jiyanhua shuquiriaatia quiqianuni nojori pohuatasacari quiajanijajiniji. Quiaanaari seetanujuaana maninia miiijia quiquiaa taa pa rootasaaquiaari Jesucristo rupaacuajani. Quiaacuajaari maninia tojiquiaa seetanu rupaajanaa, sanajanaa. ⁴ Jiyanhua timiquiaanijia cua tojishacari cua muerasuuri maninia miya, taa cua rootaquiaari Jesucristo rupaa nojoricuajani. Naa cua tojishacaritij, cunoori jiyanhua cua timitiquiaa socua tamonu casaajiniji.

⁵ Sanajanaa, quiaacuajaari maninia miiijia, maninia quia miishacari parta Pueyaso muerasu. Quiaa cutaraari maninia miiiquiaa, quia tiuquitishacari quia tijinia quia niishishoo tamaquiicujinijio Pueyaso muerasu. ⁶ Pueyaso muerasu rerejosacari niya, Pueyaso rupaa pohuatanura rucojuacaari canaa niquiara pohuatacanu maninia quia miishanojiniji nojoriria, quia paniniutia nojori. Quiar-ijiani, nojori quia niquitiore nareja nojori panishano na jiyatajara, socua nojori quianu panishacari cuniquiji. Naa quia miiri quenaaja, Pueyaso quia shuquiritiniuria.

⁷ Nojoriiri Jesucristojiniji pohuatanura rucoojiya. Majaari nojori panishano na masetunu paniniu quiquianu Pueyaso niishiyashijiacajiniji. ⁸ Naaratej, pajaniya cuara naacuura jiyano pueya, noo pojori canapuete pa Jiyani-ijia rupaa pohuatanura rucoojiyacujani. Naa pa miiriti Pueyaso rupaa pohuatanu naacunaa pa quiniuriajuhuaj.

Sesa Diótfes miishanojiniji pohuatasano

⁹ Janiyari quia quijia tiacajinia Pueyaso pueya maanucuaara naa naajioquiaarijuhuaj. Janiyari nojori sequequiaarini nojori cuara Pueyaso Rupaa pohuatanura rucoojuaca naacuura, cuno pojori jiitianura na panishano. Diótfesri saaja tama na cuaqueyajaaja shuquiritaja, Pueyaso pueya maanu jiitiana na quishacari. Nocuaji cua sequesano ruuretacanuuri. Cua rerequetequiaaarijuhuaj. ¹⁰ Naajaa, janiya jaara niaacua quiaareni, janiyari naa sacuaraatia na miiniuucua na nacasunutaniyani. Nojuajaari tamasaca niqiuara canaa sesacaquiaa na saponuta. Naa socua sesa miiquiaaarijuhuaj: majaari na tiuquinitianu quiquiaa Pueyaso Rupaa pohuatanua na tiajinia. Canapuete saniniuujia nojori tiuquitiniu paniquiaa nojori tiajiniani, Diótfesri nojori tenujuquiaa saaja. Canapuete Pueyaso rupaa pohuatanura rucoojuaca tiuquinitianu paniquiaajaa na tiajiniani, Diótfesri puetunu nojori tenujuquiaajanaa, maja socua nojori rerejonura narta Pueyaso muerasuta.

¹¹ Sanajanaa, majaari quia jiaatianu cuno sesa miiijaacua, quiaa mariqui juhua nojuaja quirijiaarijuhuaj. Saaja quia jiaatiare cutara maninia miiijaacua, juhua nojuaja quia quiniuria. Cante maninia miiquiaani, cunocujaari Pueyaso pueyano. Sesa miiija saniniuujia, nojuajaari Pueyaso niishiyashijia.

Maninia Demetrio miishanojiniji pohuatasano

¹² Puetunu pueyajanaari saniniuujia maninia pohuatanuuquiaa Demetriojiniji. Tama Demetrio

mijiosanojinijiaaja, pueyari niishiya Demetrioori maninia pueyano. Seetanujuanaa, nojuajaari maninia pueyano, taa tamasaca sequequiaacuajani. Niaacuajaari niishiya canaari seetanujuanaa sequequiaani, naa canaa sequesacari Demetriojiniji.

Naajio puequesacari

¹³ Janiyari queraatia sequenu paniyajaa quiajaniyani. Naajaa, majaari cua sequenu paniniu saaja cua naajiojinia.

¹⁴ Janiyacuaja quiocua naquerejiyani. Jiyacaritij, pocua maninia pocoojore cutarani.

¹⁵ Pueyaso cuaara quioojia jiitiaara maninia, juhua-janiya quia quiniuria. Niya pa rupuentaari cua seque-
turee cua saruhuatanura quiajaniya. Puetunu cuniqui pa
rupuenaajanaa quia saruhuatate canaarajuhuaaj. Tariu-
cuaja.

Quiarinio pueyaso rupaa pa jiyaniijia Jesucristojiniji
pueyano rupaajinia

New Testament in Arabela (PE:arl:Arabela)

copyright © 2008 Wycliffe Bible Translators, Inc.

Language: Arabela

Translation by: Wycliffe Bible Translators, Inc.

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Arabela

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21
